

- Праведных души, яже во тмѣ бяху,
 истиннии солнца свѣтлости не зряху,
 105 днесь его свѣтом свѣтло озареннии
 и на свободѣ вѣчней поставленнии.
 Адам я первый во ад предал^{*} бяше,
 плод возбранный егда во снѣдь взяше.
 Адам же второй оны свободил есть,
 110 елма душею сам во ад изступил есть.
 Изводит отцы святыя от ада,
 хошет ввести я во свет небесна града.
 да по тмѣ лютѣи свѣтом усладятся
 и по печалѣх превозвеселятся.
 115 И нам путь строит во страну небесну,
 желая спасти тварь свою словесну.
 За что и церковь тѣми прославляет,
 имны веселы пресладцѣ глашает.
 С нею извольте и вы воспѣвати,
 120 пресвѣтлы цари, и честь воздавати
 Христу воскресшу, о милости его,
 яко не забы создания своего.
 Он же изволит вас благословити,
 здравие ваше благоутвердити.
 125 Благоденствие благоволит дати
 и вся, их же благ можете желати.
 И супостаты вашей державы
 под стопы ваша склонят главы.
 Яко же орла вся птицы страшатся,
 130 тако вас врази ваши да боятся,
 и яко солнца мрак нощный гонзает,
 тако от вас всяк враг ваш да бѣгает.
 Или яко льву вси звѣри неспорны,
 тако вси роди да суть вам покорны.
 135 Царь силам Христос то вам да дарует
 и в небѣ царство вѣчное сготует.
 Того свѣтлости вашей аз желаю,
 а до стоп ножных поклон сотворяю,
 смиренно прося мя выну щадити,
 140 иже вам имам раб всевѣрный быти.

**Поздравление царевне Софье
 по случаю пасхи**

- 1 День свѣтозарный во мирѣ сияет,
 духовным свѣтом род наш озаряет,
 благодатию превѣчнаго бога,
 и путь являет горняго чертога,
 5 иже погублен еще в раи бяше,
 егда змий Евву и Адама льщаше,
 да же Христос бог день сей сотворил есть,
 себе за путь нам в небо положил есть.
 Еще и вождь всѣм благий бывает,
 10 кто токмо его прилѣжно слушает.

л. 599 об.

^{*} В ркп. предан.